

Desde a súa presentación no mes de marzo, o Plan Forestal ven ocupando unha morea de espacío en todos os medios de comunicación. A propaganda e non o esclarecemento da opinión pública é o obxectivo dos mais deles; o debate e as avaliacións discrepantes teñen o marchamo do proscrito. Por este motivo, ADEGA dá acobillo nas súas páxinas a vários documentos que, desde diversas perspectivas axudan a faceremo-nos unha opinión mais acorde co que é a realidade do Plan. O primeiro documento é o texto das alegacións que Ramón Varela apresentou a nome de ADEGA perante a autoalcumada Mesa Forestal; reproducimo-lo tal como foi presentado, xa que non tivo no seu momento a difusión que debía. O segundo dos textos é un artigo inédito, especial e desinteresadamente escrito polo hoxe posivelmente mais reputado especialista galego en economía forestal, Albino Prada, no que se realiza unha esclarecedora leitura do Plan Forestal de Galiza á luz do seu homónimo andaluz. Finalmente, cerra o dossier unha análise de urxéncia sobre algúns aspeitos da economía do Plan escrita por un profesor da Facultade de C.C. Económicas de Santiago.

Ramón Varela Díaz, Biólogo, Catedrático de Ciencias Naturais, Presidente de ADEGA - Asociación para a Defensa Ecolólica de Galiza-. Responsabel ante o BEE Grupo de Agricultura e Forestal dos Grupos Ibéricos do BEE -Buró Europeo de Meio Ambiente- e Defensor no Parlamento Galego da Iniciativa Lexislativa Popular para a Defensa do Patrimonio Forestal Galego.

Ao analizar o contido do Libro "Plan Forestal de Galicia", Síntese, da Xunta de Galicia e por encargo de ADEGA EXPOÑ A CONSELLERIA DE AGRICULTURA O SEGUINTE:

ASPECTOS DE CARACTER ECOLOXICO:

1. ESPECIES. 1.1. Coníferas.

O Plan Forestal contempla que as **coníferas** ocupen

ALEGACIÓN PRESENTADA POR ADEGA AO PLAN FORESTAL DE GALICIA

o 52.86% do total da extensión forestal arborada.

A media da CEE-12 en porcentaxe de coníferas nas sua superficie forestal supón o 41.5% do total. Sete Estados da CEE presentan unha porcentaxe de coníferas inferior ou moi inferior ao que pretende o Plan Forestal para Galiza, así : Bélxica tén o 47% de coníferas, Grécia 18.6%, França 30%, Italia 25.2%, Luxemburgo 34%, Portugal 46.4% e o Estado Español 48%. França que é o primeiro produtor de madeira da Comunidade co 28.7% do total tén só o 30% de arboredo formado por coníferas.

No vexo polo tanto xustificación para que na Galiza as coníferas ocupen unha extensión tan alta, tendo en conta que o noso país pode ser un gran produtor de madeira - si é eso o que se pretende co Plan- cunha porcentaxe de coníferas moi inferior a que se señala no Plan como o demostra o caso de França. Ademais contamos con condicións climáticas, edáficas,... etc que permiten que podamos producir madeira de maior calidade e mais rentabeis ao ser de precio moito mais elevado a sua madeira si pensamos noutras especies.

INFORME

ADEGA

Asemesmo o Plan Forestal contempla monocultivos forestais, ignorando que a **diversificación** forestal e o misturamento de masas contemplada xa na Iniciativa Lexislativa Popular do Forestal, é a forma mais adecuada da disposición de masas no noso país non só porque son más resistentes a plagas e enfermidades, senón ademais para retardar o avance do lume, para potenciar a diversidade faunística e da vida vexetal, para a protección do solo...etc, etc.

1.2. Eucaliptus.

O Plan Forestal contempla unha extensión de Eucaliptus do **17,68%** do total arborado, superficie extremadamente elevada e ademais en **monocultivo** e centrada nunha só especie o *E. globulus*, sin que en ningún momento se teña en conta o alto consumo de auga desta especie e os potenciais problemas que conlevan no ciclo hidrolóxico; o aumento de escorrentía superficial no solo que sustenta esta vexetación, (chega a duplicar a unha carballeira), a importante intercepción de choiva que realizan pola copa (moi superior as arbores autóctonas), a baixa diversidade biolóxica que presentan estas masas, o pirofitismo,....

1.3. Caducifolias.

A respecto das caducifolias considero que :

a) A porcentaxe que se establece no Plan do 29.43% do total é moi baixa, e si segundo o Inventario do 1986 tiñamos 271.564 Has de caducifolias en 1.109.213 Has. arboradas agora pretendese ter 408.767 Has de caducifolias nun total den 1.388.814 Has arboradas, é dicer pasase do 24.48% ao 29.43%, aumento polo tanto ridícuo.

b) A distribución provincial que realiza o Plan non tén en conta condicións naturais nin a distribución das existencias actuais.


c) Ecoloxicamente é incorrecto plantexarse repobacións en monocultivo forestal de caducifolias en masas regulares.

d) É incorrecto basarse fundamentalmente no castiñeiro (218.953 Has frente a 189.814 Has doutras caducifolias) cando temos máis dunha decena de especies caducifolias que poden xenerar unha gran rentabilidade - cerdeiras, carballo, cerquiño, nogueira, faia, avelaira,...- tanto pola sua madeira como polo seu froito.

2. SUPERFICIE FORESTAL.

Pretende o Plan Forestal que o 46% do territorio galego esté adicado a Monte Productivo (1.388.964 Has). A superficie forestal arborada na Comunidade Económica Europea representa o 23.9% do total do territorio, en Galiza duplicariase a porcentaxe. Ningún Estado dos 12 da CEE tén na actualidade unha porcentaxe tan alta como a prevista polo Plan.

Hoxe Galiza tén o 37.6% do total arborado e tan só supera este porcentaxe Grécia, polo contrario outros Estados como Gran Bretaña, Holanda e Irlanda non chegan ao 10% do total, Dinamarca está no 11.4% , cinco



Estados están comprendidos entre o 20 e 30% , dous están entre o 30 e 40 % e só Grécia chega ao 43.6%.

Os estudos edafolóxicos realizados na Universidade de Santiago fai anos xa, e publicados en diversos traballos contemplan que 1.486.700 Has, é dicer o 50.4% do total galego é apto para cultivo e 698.800 Has. , é dicer 23.7% poden permitir o asentamento e desenvolvimento de prados permanentes, e ambas superficies suman o 74.2% do total galego. Polo que a aplicación do Plan Forestal **choca frontalmente** cos estudos do territorio realizados con métodos científicos e alleos a calisquer interés.

O intento de poñer o 46% do territorio galego a producir madeira de baixa calidade e barata **é inxustificabel** e choca con calisquer estudo minimamente científico centrado na nosa realidade xa que como se apuntou **as 3/4 partes do territorio galego é apto para cultivos herbáceos e praderías**, siñifica a posta en práctica do Plan un desaproveitamento dos recursos naturais e non ter en conta a productividade potencial do territorio.

3. PRODUCCION.

Na paxina 85 do Libro Síntese do Plan Forestal dise que "... a única produción forestal que pode cuantificarse con certa precisión é a madeirabel", sin que se cite as previsións para o futuro para leña, froita, cogumelos, mel,

INFORME

ADEGA

caza, gandeiria, plantas medicinais, fauna asociada,... restauración de ecosistemas degradados, evolución, mantenemento e protección progresiva de ecosistemas...etc,etc.

Mais ben debería dizer que a madeira é a única producción que interesa cuantificar. A base da producción fixase no Plan para o Piñeiro e Eucalipto que é da orde do 85% do total, madeira de baixa calidad e sometida a fluctuacións controladas pola industrias debido a entradas temporais e masivas de madeira destas especies procedente de mercados foráneos no interior da Galiza.

Si a produción de especies caducifolias en conxunto é moi baixa da orde do 15% do total, a de especies caducifolias agás a de castiñeiro é da orde de 4.2% do total. Xustamente a madeira que é codiciada en todo o mundo e co paso do tempo ainda mais, a que temos posibilidades e capacidade de producir é a que no total siñifica a mínima expresión. A produción de madeira de frondosas caducifolias seguirá sendo unha produción simbólica e fará que Galiza teña que seguir importando esta madeira doutros países.

4. O PLAN NON CONTEmpla OS BENEFICIOS INDIRECTOS DO ARBORADO.

Os beneficios indirectos sobre a auga, sobre o solo e sobre a atmósfera non se teñen en conta no Plan Forestal, e non se teñen en conta porque non son valorados a precio de mercado.

a). Así non se valoran os Beneficios indirectos do bosque sobre a auga:

Regulación do recursos hidricos superficiais.

Regulación dos dos recursos hidricos subterráneos.

O bosque frena a escorrentía superficial, amortigua as avenidas dos ríos en épocas de fortes choivas ou tormentas, millora o ciclo hidrolóxico aumentando a cantidade dispoñible de auga no solo e subsolo, millora a calidade da auga,...etc.

Pero non todas as especies do bosque do bosque actúan da mesma maneira, as caducifolias esta demos-

trado cumplen millor estas funcións citadas que as arbores de folla perenne e de aí que o ter ou non ter en conta este aspecto indirecto do bosque pode determinar a plantación dunha ou outra/s especie/s botánica/s.

b). Non se teñen en conta no Plan os Beneficios indirectos do bosque sobre o solo:

A fertilidade, a estructura, a desecación , a erosión dun solo vese condicionada pola vexetación que soporta que non actúa da mesma maneira si son coníferas ou eucaliptais ou si son caducifolias, esquecer este aspecto indirecto que influie na decisión a hora de plantación repercute nun recurso básico e fundamental como é o solo. Indudabelmente as caducifolias son especies formadoras de humus de millor calidad que as coníferas ou eucaliptais, asemesmo milloran e enriquecen o solo en nutrientes, diminuyen a erosión comparativamente,...etc,etc, e non ter en conta estes aspectos nun país como o galego donde o 50% do territorio está suxeto a erosión siñificativa é ignorar algúns dos principios mínimos e elementais de conservación de solos.

c). Tampouco se teñen en conta os Beneficios indirectos sobre a atmósfera:

A creación de microclimas específicos determinada polas masas forestais con humedad, temperatura, radiación solar incidente no solo, ..etc. moi característicos depende do tipo de arbores que se planten e da estructura das masas forestais en mono ou policultivo.

d). Non se consideran os Beneficios indirectos na psique humana:

A diversidade forestal con diversidade de tonos e colores e o ambiente que crea o bosque produce efectos beneficiosos na saúde humana e mesmo efectos terapéuticos que repercuten no desenvolvemento físico e psíquico do home.

e). Non se teñen en conta aspectos importantes relacionados coa fauna e flora asociada a vexetación principal e os endemismos.

AUGUSTO PEREZ ALBERTI: "A paisaxe é un patrimonio cultural que hai que conservar. En Galiza desde o punto de vista paisaxístico observamos que nos últimos 10 anos houbo unha transformación radical, por mor das repovoacións con eucalipto. Se a isto engadimos a apertura indiscriminada de pistas, a desfeita urbanística, e os vertidos de lixo, atopamos que é difícil encontrar outra zona do estado que teña a paisaxe tan destruída como Galicia, nun período tan curto de tempo".

"Lendo as descripcións iniciais do Plan Forestal, nota-se que está feito por un consulting e que

copiaron todo, e copiaron mal... Vese unha falta moi grande de rigor científico".

"Estánse facendo unha estructura viaria en función do Plan forestal, as pistas chegan xa a todos os montes, a Lucenza, a Rogueira, etc. no Caurel, isto pon en marcha tal cantidade de materiais que os procesos erosivos e de destrucción de vertentes son moi graves".

(Intervención na mesa redonda *Aspectos Ecológicos no Plan Forestal*, celebrada en Santiago o día 13 de marzo do 1992)

5. ESPACIOS SENSIBEIS

Non se detallan os espacios sensibeis de planificación específica .Sorprendentemente na paxina 91 do Libro Síntese dise “.. transferir a documentos posteriores de planificación, xa individualizados ou ben por grupos, tanto os obxectivos de cada espacio como a figura xurídica, o modelo de xestión, intervencións,...”

Andalucía contempla no seu Plan Forestal-1989 411.885 Has de Espacios Naturais Protexidos donde se fixan :

75.220 Has de Parques e Preparques Nacionais.

329.200 Has de Parques Naturais (6 en total).

1.845 Has de Reservas da Biosfera (3 en total).

5.620 Has de Paraxes Naturais de Interés Nacional.

En total 8.85% da superficie forestal andaluza son espacios naturais protexidos, o Plan andaluz contemplaba posteriormente a aprobación dun Inventario de Espacios Naturais que declarara con algúna figura de protección a 726.859 novas Has do territorio polo que a protección no ano 1992 sobrepasa ampliamente o 24 % do territorio total de Andalucía

No caso de Galiza o Plan Forestal contempla 341.521 Has. pero sorprendentemente só 62.856 Has son actualmente de monte arborado o resto son na actualidade de uso a matorral e agrícola,o que indica que nin siquera que vai protexer no futuro ao actual bosque autóctono. Os espacios sensibeis a protexer terían que partir das actuais masas autóctonas e non da forma que figura no Plan.

ASPECTOS DE CARACTER TECNICO


A respecto da xestión:

Faltan Directrices de xestión de carácter ecológico como

- Os tratamentos silvícolas que deben executarse favorecendo a existencia de mezcla de especies.
- A reforestación debe ter en conta a vexetación preexistente e o tipo de substrato arbustivo que sustenta.
- Nas restauracións forestais deben utilizarse sempre que sea posibel especies autóctonas que nos acerquen o bosque óptimo da zona.
- Nas repoboacións e tratamentos silvícolas respetaranse enclaves de interés florístico que manteñan unha diversidade vexetal.
- Nos proxectos de repoboación deben estudiarse detalladamente aspectos de clima e solo para unha acertada elección de especies e producción idónea.
- A protección de concas fluviais debe de realizarse tendo en conta que debe primar a conservación de solo e impedir a erosión, sendo secundaria a producción nesas áreas.

ASPECTOS DE CARACTER ECONOMICO

O Plan permite no Libro Síntese nas páxinas 94, 95 e 96, elaborar cadros con estimacións da producción



madeirabel e mesmo industrial até o ano 2.117 é dicer a 125 anos vista. Dende unha perspectiva económica é un **espellismo** dar cifras verbo do significado da producción galega de madeira nun horizonte de 25 anos (moito menos para 125 como pretende o Plan) xa que non se teñen en conta neste computo unha serie de variaveis esenciais a saber:

- modificación da demanda tanto a previsibel como a nova que xurda de modificación por novas técnicas na producción, tanto as que afectan a propria producción de madeira como as que afectan ao carácter de inputs de esta madeira para a industria papeleira, xa por non citar a incidencia que pode ter no futuro inmediato a extensión das técnicas de papel usado.
- evolución dos prezos do mercado mundial destes produtos.
- carácter de perecedero do producto .
- non convertibilidade do chan adicado ao monocultivo.

Por outra banda é un feito economicamente probado o carácter de vulnerabilidade que otorga unha economía a adicación case en exclusiva a un monocultivo (85% da producción é madeira de coníferas e eucaliptus) cando ademais o control que existe sobre o mercado deste pro-

INFORME

ADEGA

ducto é mínimo referido a primeira fase é dicer venta dunha materia prima sin transformar. Deixar unha gran extensión do territorio para unha produción en monocultivo e centrada en duas-tres especies é sumamente perigoso como se demostra con numerosos exemplos de Centro e Sudamerica ou Africa. Desde unha perspectiva global, entendida como de xestión de recursos é altamente ineficiente a adicación da terra agrícola susceptibel de diferentes usos á un - dous productos madeirabeis- de baixa calidade e que van atoparse nun mercado de competencia moi alta.

O Plan Forestal incide ademais negativamente nunha potencial diversificación industrial e aproveitamento múltiple dos diferentes usos do monte.

As inversions reais adicadas a espacios sensibeis siñifican o 4.2% do total de inversions no monte o que é inxustificable e insuficiente , esta inversión é similar a que se vai realizar en espacios periurbanos o que da idea da valoración que se fai dos espacios sensibeis.

RAMÓN VARELA: O Plan forestal é o plan de sesfor,S.A. un consulting privado, que o fixo en función duns intereses moi concretos, a Xunta limitouse a poñer a peatina co seu nome na portada do libro, pero debaixo desa pegatina ve-se claramente o nome do consulting, é dicer que a Administración saca o plan tal cual llo entregaron..."

"O plan apuntala e consolida a política nefasta levada até o momento, incrementa o 46% do território a cultivos forestais, é dicer a monocultivos, non a bosques que isto é algo distinto. (Pense-se que a média da CEE é do 23%)".

"En Inglaterra (cun 9% de arborado), e outros países europeos, pode ter sentido que se abandonen terras agrícolas para destinalas a cultivos de árbores, mas

en Galiza isto é descabelado, é estragar os nosos

secuencias directamente.

EN RESUMO EN BASE A CRITERIOS DE CARACTER ECOLOXICO, TECNICO, ECONOMICOS E SOCIAIS ARRIBA APONTADOS, PODO CONCLUIR QUE ESTE PLAN FORESTAL NON SE FIxo PARA GALIZA EN FUNCION DE INTERESES GALEGOS, SENON QUE E UN PLAN FORESTAL REALIZADO PARA AS FABRICAS DE CELULOSA - ENCE, EUROGALICIA-FORESTAL, PAPELGA E OUTRAS POSIBEIS- E PARA QUE PODA FUNCIONAR ALGUNHA FABRICA DE PAPEL DE CENTRO EUROPA, ESTE PLAN SIGUE CLARAMENTE AS ORIENTACIONS DE BRUSELAS DE AUMENTO DA PRODUCCION FORESTAL.

PIDO POLO TANTO EN NOME PROPRIO E NO DE ADEGA -ASOCIACION PARA A DEFENSA ECOLOXICA DE GALIZA- A RETIRADA DO PLAN FORESTAL ACTUAL E A ELABORACION DUN NOVO NO QUE TEÑAN EN CONTA OS CRITERIOS ARRIBA SEÑALADOS ASI COMO AS "BASES PARA UN PLAN FORE-

recursos, xa que a nosa superficie forestal xa é enorme, só Grecia nos supera".

"Dos espáculos sensíbeis que contempla o Plan só 62.000 Ha. son arvoradas, o resto até 341.000 son de matos e espáculos agrícolas. O normal seria que s temos 260.000 Ha. de caducifólias, que empezaramos por declarar esas zonas como sensibeis e despois aumentar esa superficie. Polo tanto o Plan non vai a protexer os poucos bosques autóctonos que quedan".

"O Plan non contempla outros usos alternativos do monte, nin contempla os recursos hídricos, nin as especies arboreas adecuadas para zonas con problemas de sequía ou de erosión..."

(Da intervención de R. Varela na mesa redonda citada)

ASPECTOS DE CARACTER SOCIAL

O bosque estatal na Galiza representa o 0.16% do total, mentras que na CEE-12 siñifica o 27.5%, tendo algúns países como Irlanda ou Grécia unha superficie arborada estatal superior ao 70%. No Plan non se cuantifica a extensión de bosques estatais - Estado ou Goberno autonomo- ou de diputacións ou concellos que quedarán ao efectivizarse o Plan e non existen inversions para tal fin, tan só na páxina 142 di que se habilitará un fondo público sin cuantificar (lembramos que os montes comunais non son de uso social).

No Plan tampouco se procura a participación das comunidades na toma de decisiones referentes aos espacios forestais e esquecese que elas van a recibir as con-

TAL" ELABORADAS POR ADEGA E PRESENTADO XA NO ANO PASADO NA CONSELLERIA DE AGRICULTURA. ESTE NOVO PLAN ELABORADO EN BASE A CRITERIOS DE: policultivo, aproveitamento múltiple, frondosas autóctonas prioritariamente, industria diversificada, conservación de solos e especies botánicas e zoolóxicas, control da erosión e dos incendios,...SERIA A GARANTIA DE BENEFICIAR A POBOACION GALEGA E NON A GRUPOS TRANSNACIONAIS.

OFRECEMOS A NOSA COLABORACION CON ESPECIALISTAS E TECNICOS PARA TRATAR DE CHEGAR A UN "ACORDO DE MINIMOS" PARA ELABRAR UN PLAN FORESTAL QUE TEÑA EN CONTA AS NECESIDADES E REALIDADE SOCIO-ECONOMICA E ECOLOXICA DO PAIS.